

是心無相復無形 菩提非心亦無狀
非身非心能得證 亦非無證難思議
是爲最勝寂靜地 外道於中皆荒迷
若於此法求正勤 必當速得是三昧

十三末

佛說大方等大集菩薩念佛三昧經卷第七 伐七

滂洽上普忙反注也下俟夾反沾也殄絕上徒典反滅也下音武一輕欺也惡刺下亦作刺
急隋上音待下音附反陵侮下音宜棘刺上紀力反調戲上徒戶反
凝清上魚邊涯下音宜棘刺上紀力反邊涯下音宜棘刺上紀力反闌上音魚結反

佛說大方等大集菩薩念佛三昧經卷第八 伐八
思惟三昧品之餘
隋天竺三藏達磨笈多譯

余時不空見菩薩摩訶薩復白佛言世尊菩
薩摩訶薩當何證知捨離我見耶佛言不空
見若諸菩薩摩訶薩得證知時無有住著則

離我見如是菩薩雖無住著而能爲彼一切
世間天人衆生作大利益云何利益所謂爲
大法明然大法炬吹大法螺擊大法鼓奮大
法鼈乘大法船設大法橋方當欲度一切衆
生出於生死四流暴河置於涅槃無爲彼岸
即當觀察是身本性次當觀身不淨臭穢腐
爛齷膞屎尿盈溢是身無常不暫停住破壞
枯槁不可長久誑惑小兒危脆不堅猶水沫
聚戶蟲充滿筋骨相輔空負而行無實用處
或經百年及百千歲縱八萬劫一切樂具守
護長養終歸墮壞此身長夜不離煩惱不出
顛倒恒爲諸惡鳥獸食取又亦常與地獄餓
鬼畜生共生死往來受諸苦惱或爲奴隸
種種苦事常繫於他不得自在而彼所生云
何當能見苦斷集證滅修道今我此身但是
空虛诳曜愚癡無一堅法以是我今當應持
此一切身分施諸衆生若有衆生寶重己身
我當爲彼放捨身命若有衆生須我精氣我

當給與彼之精氣若有衆生須我肉者我當以肉供奉彼等何以故寧我先施令彼得食無容不施使彼自食今我以此淨心布施所獲善根願即滅除我見根本而彼菩薩如是觀時不著我見滅我見已然後捨身令衆生用爲惜命者棄捨命根須精氣者授以精氣須肉食者便以肉施若有衆生須其力用即時爲奴充彼驅策不空見以是因緣彼菩薩摩訶薩除捨我見不住我見證知我見而能於此不牢固中求牢固身不空見譬如都城邑聚村落之中多有童男或多童女自舍出已至河岸邊見水沫聚以彼水沫更相嬉戲所謂破壞水沫分段磨滅令其消散無有遺餘而彼沫聚不作是念誰於今日能分散我是沫雖壞無惱恨心不空見如是菩薩摩訶薩自觀己身無常破壞如彼沫聚不可長久當知是人得此三昧疾成阿耨多羅三藐三菩提爾時世尊爲重明此義以偈頌曰

卷八

二

若能遠離我見者 一切無有住著處
爲利出間天人故 當證難見大菩提
彼若獸身諸不淨 此身變壞不堅牢
暫住如幻無實體 無常羸劣斯破法
長夜養育終無宜 猶彼聚沫空無真
雖以衆具供贍之 鳥獸斯食最可惡
是身會當歸敗滅 是身會當歸敗滅
既不能得牢固法 經無量劫惟有苦
地獄畜生餓鬼苦 飢渴衆惱恒熾然
出間催切超百羅 初不覺知彼如實
我身今日自空虛 不常之體須臾變
謂諸衆生食肉者 精氣僕役我甘爲
我思此時常發言 其有食肉及精血
我爲其故今放捨 任從噉食我此身
當令一切寶身者 悉得觀我捨斯命
我今軀命不敢愛 願速成彼三摩提
猶如彼沫常破壞 未曾起一瞋恨心
今我此身如沫團 岂有生於嫌怨事

若能觀身如水沫 此人必定求菩提
非但得奉十方尊 彼當速獲勝三昧
大方等大集經菩薩念佛三昧分示現微笑品第十三

伐八

余時世尊怡然微笑諸佛世尊法如是故即
微笑時世尊口放種種光明所謂青黃赤白
金色玻璃其光遠照上至梵宮而復還下右

遠三周入世尊頂時尊者阿難見斯事已即
從座起整理衣服右膝著地合十指掌向佛
世尊以偈問曰

最勝世尊非無因 今現微笑當有以
世間調御應為說 而復微笑何因緣
金剛色體百福身 由證真如能利益

一切世間所歸依 今此微笑有何緣
世尊無上亦無比 何處當有能超勝
功德備具無可毀 今斯微笑有何緣
一切世間皆歸趣 調御丈夫今當宣
誰於今日獲大利 世尊無何微笑者
今日誰當受大位 今日誰得真福聚

今日誰為安隱王 能致世尊是微笑
一切世間所歸依 天人大師今應說

若聞佛尊斯妙音 天人歡喜衆聖讚

尊者阿難設斯問已於是世尊告阿難曰阿
難我當說是正念三昧法門義時此大衆中
有三萬人遠離塵垢得法眼淨復有八萬億

百千那由他諸天子遠離塵垢得法眼淨復
有三萬比丘比丘尼衆得阿那含果復有三
萬比丘比丘尼優婆塞優婆夷得無生忍法
復有三萬衆生發阿耨多羅三藐三菩提心
此輩皆於星宿劫中成等正覺此即前發菩
提心者是也復有九萬億那由他菩薩摩訶
薩安住菩提無有退轉此輩當來皆得成佛
彼諸世尊有四種號或號光明或號毗盧遮
那或號釋迦牟尼或名日月歲星有如是等
諸種名號隨其刹土出現於世復有九十二
億百千那由他衆生但發聲聞心是輩未來
皆證聲聞果余時世尊知是事已以淨天眼

過於人眼觀察十方見九十億百千那由他諸佛世界應作如是大利益故更出殊大微妙之聲徧此三千大千世界咸得聞已然後從眉間白毫相中放大光明名無邊威此光徧照十方佛國令無量億百千那由他衆生得須陀洹果斯陀含果阿那含果阿羅漢果復有過於前數衆生發阿耨多羅三藐三菩提心彼等當來皆得不退轉於阿耨多羅三藐三菩提然後於彼十方國土皆得成佛号曰難伏如來應供等正覺出現於世爾時世尊欲重宣此義以偈頌曰

過百千數無減少 三種三十復九十
如是一切見菩提 彼爲發心利益故
彼滿十千諸衆生 復三萬智得淨眼
聞已正思等正覺 解脫人身諸惡道
復過八億那由他 諸天獲於聖淨眼
以聞如來妙音故 永滅惡趣無遺餘

得忍三萬億由他 彼輩當來悉成佛
復有三萬億衆生 以此威德當成佛
復有六萬諸天子 於大地上利世間
彼等斯同彌勒尊 皆發無上菩提心
以修樂因證樂願 以是因緣天人師
爲斯廣大故微笑 我已宣揚微笑旨
大方等大集經菩薩念佛三昧分神通品第十三
余時不空見菩薩摩訶薩住於懨愧遠離於彼無慚愧已然後當得此三昧耶尔時佛告不空見
菩薩言不空見若有菩薩摩訶薩常行慚愧而是菩薩行慚愧時或能造作種種惡事所謂身惡行時即生慚愧口惡行時亦生慚愧意惡行時亦生慚愧起嫉妒心亦生慚愧起懈怠心亦生慚愧於諸如來所亦生慚愧於大菩薩摩訶薩所亦生慚愧於住菩薩乘諸

衆生所亦生慚愧於聲聞乘人所亦生慚愧
於辟支佛乘人所亦生慚愧於人天所亦生
慚愧云何慚愧所謂常愧於他亦慚自身住
於一切不善法中故常慚愧住慚愧已遠離
一切無慚無愧除滅不善思惟善事荷負重
擔體性清淨終無毀犯他不能謗而是菩薩

常能具足無毀身業亦能具足無毀口業亦
能具足無毀意業具足斯已然後乃能住是
三昧住三昧已常不遠離見一切諸佛常不
遠離聽聞諸佛所說妙法常不遠離恭敬供
養一切聖僧具足如斯已然後乃能疾成阿
耨多羅三藐三菩提復次不空見我念徃昔

過無量無邊阿僧祇劫時有大劫名曰善來
於彼善來劫中復有第三劫名曰寶炬不空
見彼於劫中復有小劫名九莊嚴於彼時中
名多劫濁復次有劫名曰千歲彼中有轉輪
王名善觀作而彼善觀作王宿植德本具大
威德不空見時善觀作王所居大城名曰淨

華妙香充滿其城東西廣六十由旬南北長
七十由旬牆壁周圍有一千二百重彼城身
量純以真金衆具莊嚴間用七寶不空見汝
今欲知淨華香城善觀作王果報衆具莊嚴
殊麗如先所說無邊精進王善住大城無差
異也不空見彼城北面有一內門名曰華鬘

門外有園名曰無畏其園縱廣四十由旬周
而皆有七寶樹林而爲圍遶有一大池形量
方廣面十由旬八功德水彌滿其間如忉利
天鏡陁吉尼池也彼池四面周而皆有寶多
羅樹其金多羅樹銀爲花果銀多羅樹琉璃
華果如是乃至真珠多羅樹金爲華果如善

住城一等無異復次不空見當尔之時有佛
出尊号鷲耆羅婆隋言分味如來應供等正覺明
行足善逝出間解無上士調御丈夫天人師
佛世尊出現於世不空見時彼鷲耆羅婆如
來處遊居止無畏園中與大比丘衆九十九
億百千那由他人俱前後圍遶皆阿羅漢諸

漏已盡無復煩惱皆得自在心善解脫慧善
解脫所作已辦捐捨重擔盡獲己利不受後
有隨順正教達於彼岸不空見時彼鶩耆羅
婆如來應供等正覺於晨朝時著衣持鉢與
九十九億百千那由他聲聞大眾左右圍遼
入淨華香城不空見時彼善觀作王知彼世
尊晨朝入城即自莊嚴乘大調象名曰樂手
與無量億百千那由他衆前後導從自彼淨
華香城而出爲奉迎彼佛世尊故不空見時
善觀作王既遙見彼鶩耆出尊尋路而來光
儀端遠狀若金山諸根寂靜神志和穆已達
第一調柔彼岸猶如大龍降伏一切亦如大
象所爲自在又如大池澄清映徹如是見已
自乘而下進詣世尊頭面作禮右達三周
而啓白言唯願世尊受我明朝所設供養
復次不空見時彼鶩耆羅婆如來應供等正
覺聞善觀作王如是請已爲諸衆生作利益
故默然受請復次不空見時善觀作王聞彼

伐八

世尊許納其請即於斯夜速命厨官嚴辦衆
種上味美食人間所有靡不畢具於淨華城
平治道路以諸香塗泥飾其地所在街巷建
立寶幢妙善名幡處處羅布兼列種種金寶
器具又用上妙牛頭栴檀以爲香水灑散其
地復以種種末香種種散華上徹於佛而爲
供養然後於彼如來應供等正覺前燒種種
名香積種種華鬘而爲供養又以種種歌頌
讚歎偈句法言而爲供養又作種種上妙樂
音及諸玩具有爲供養彼王如是作諸供養
然後奉獻上妙飲食供養世尊及比丘衆復
次不空見余時彼善觀作王廣設如是微妙
第一最上衆具滿足供養鶩耆如來應供等
正覺已更於異時莊嚴大駕躬自率彼無量
千數諸衆生等詣無畏園至彼鶩耆如來應
供等正覺所頂禮尊足已而白佛言世尊今
正是時惟願垂慈作所應作也復次不空見
時彼鶩耆羅婆如來聞善觀作王慇懃請已

知諸衆生堪受化故於是爲彼如所應作種
種神通現神通已遂與九十九億百千那由
他諸阿羅漢等身昇虛空住虛空已即放九
十九億百千那由他光明照於東方無量出
界如是復放前數光明照彼南方及以西北
四維上下周徧十方亦皆如是彼一一方各

有九十九億百千那由他諸大光明彼一一
光皆各化作八十億百千那由他等大蓮華
座彼諸華座皆各有化如來坐彼諸如來
形量長短乃至一切威儀多少一如鷲耆羅
婆如來應供等正覺無差別也不空見如彼
變化諸佛世尊各有無量億那由他諸比丘

衆前後圍遶住虛空中又亦各有化天帝釋
及化梵王形量大小皆如今此無超勝梵天
及大供養天帝釋等無有異也不空見時彼
鷲耆羅婆如來應供等正覺示現如是神通
事時於須臾間一切諸天所有音樂不敵自
鳴一切衆具不作自現不空見時彼欲界諸

六八

天既覩鷲耆世尊示現如是大神變時即以
天栴檀末香沉水香多伽羅香多摩羅跋牛
頭栴檀黑沉水香等奉散佛上復以種種妙
華所謂雞婆羅華大雞婆羅華等奉散於彼鷲
耆羅婆如來應供等正覺上復次不空見余時
鷲耆世尊告彼善觀作王言大王諸行無常
大王諸行皆苦大王諸行無我大王諸行暫
住不得久停大王諸行不堅是破壞法大王
諸行熾然如猛火焰大王諸行深奧如大火
坑大王乃至應當念捨諸行當生深厭亦不
可樂當念遠離終思解脫不空見余時善觀
作王一心合掌恭敬向彼鷲耆如來具領讚
曰如是如是大德修伽陀大德婆伽婆諸行
無常大德婆伽婆諸行是苦諸行無我大德
婆伽婆誠如聖教一切諸行皆應遠離亦須
棄捨終當免脫不空見余時彼鷲耆羅婆如
來爲彼善觀作正說如斯法令其歡喜令其
專念今其奉行令歡喜已令專念已令奉行

已然令發阿耨多羅三藐三菩提心復次不空見爾時鷲耆羅婆如來見善觀作王聞法歡喜發菩提心一切衆生成得利益已即與九十九億百千那由他諸阿羅漢比丘大衆舉身騰涌足步虛空出淨華城然後還下如常威儀前後圍遶入無畏園不空見時彼善觀

伐

九

作王既得親覩鷲耆羅婆如來應供等正覺廣現如是神通事時發菩提心更作誓曰當令我等於未來世悉獲如是大神通慧復當令我悉得如是統諸大衆復當令我於未來出悉得如是天人衆前大師子吼一如今日鷲耆如來應供等正覺無有異也不空見時彼善觀作王見彼世尊鷲耆羅婆如來應供等正覺及諸大衆乘空而返王便嚴駕奉從世尊達本住所然後乃還復次不空見後於異時彼鷲耆如來應供等正覺與諸大衆次第而行至善觀作王宮殿中已當鋪而坐諸比丘僧亦次第坐已尔時彼善觀作王及諸

大臣與其眷屬各自圍遶城內人民及其眷屬亦各圍遶又皆自持所有供食各自手奉味具足隨意奉上佛及衆僧一切敢食皆得充滿然後更以種種妙香種種花鬘種種衣服種種珍寶一切衆具微妙音樂供養恭敬已即於是日呼召太子加以天冠授以王位棄四天下及諸眷屬深厭生死詣佛出家即於鷲耆佛世尊所剃除鬚髮法服着身時有八萬四千億百千那由他人民善根既淳熟故亦深厭世從王出家復次不空見時彼善觀作王既出家已即於衆中整理衣服恭敬合掌遂便請彼鷲耆如來應供等正覺言世尊云何菩薩修習思惟念佛三昧耶菩薩摩訶薩云何證此念佛三昧即得住於不退轉地速疾成就阿耨多羅三藐三菩提現前成就諸功德法不空見時彼善觀作王比丘如是問已彼鷲耆如來即便告彼王比丘言善

觀作汝應當知有二種法菩薩摩訶薩具足修習即便得此菩薩念佛三昧能速成就阿
耨多羅三藐三菩提何等爲二一者信諸如來不生違逆二者信佛所說不敢謗毀作如斯念是爲諸佛廣大境界不可思議善觀作是爲菩薩摩訶薩大得此三昧能速成就阿耨

多羅三藐三菩提善觀作復有二法菩薩摩訶薩具足修習能速成就阿耨多羅三藐三菩提何等爲二一者奢摩他二者毗婆舍那善觀作是爲菩薩摩訶薩具足修習得此三昧能速成就阿耨多羅三藐三菩提善觀作復有二法菩薩摩訶薩具足修習得此三昧能速成就阿耨多羅三藐三菩提何等爲二一者遠離斷見二者滅除常見善觀作是爲菩薩摩訶薩具足修習得此三昧能速成就阿
耨多羅三藐三菩提耶善觀作復有二法菩薩摩訶薩具足修習得此三昧能速成就阿
耨多羅三藐三菩提何等爲二一者住於羞

斬二者修於耻愧善觀作是爲菩薩摩訶薩具足修習得此三昧能速成就阿耨多羅三藐三菩提復次不空見時彼如來如是說已彼善觀作王比丘復白鷲耆羅婆如來言世尊云何菩薩摩訶薩住慚愧已而能得斯念佛三昧耶尔時鳩耆羅婆如來應等正覺即

告彼善觀作比丘言善觀作若諸菩薩摩訶薩於諸所作常行慚愧謂起身惡行生慚愧心起口惡行生慚愧心起意惡行生慚愧心起嫉妬時生慚愧心起懈怠時生慚愧心於諸佛所生慚愧心於諸菩薩摩訶薩所生慚愧心於住諸菩薩乘衆生所生慚愧心於諸聲聞乘所生慚愧心於諸辟支佛乘所生慚愧心於諸天人所生慚愧心

佛說大方等大集菩薩念佛三昧經卷第八 伐八
奮_{下取歲反}翼_{奮也} 法鞞下音挑一 故腐爛上音 危脆
驅策上立俱反 錘陁上莫責反 香泥下泥